

D. A. G.
DISSERTATIO ACADEMICA,
De
OFFICIO
ORATORIS SACRI
IN
ARGUMENTIS INVENIENDIS;

QUAM
CONSENS. AMPL. SENAT. PHILOS. IN REG.
ACAD. ABOËNSI,
PRÆSIDE

**M. HENRICO GABR.
PORTHAN,**

Design. Eloquentiae PROFESSORE Reg. & Ord.

PRO LAUREA
Examinandam sifit

GUSTAVUS WILH. RYDMAN,

Ostrobothniensis, Stipend. Wahlianus,
In AUDITORIO MAJORI Die III Aprilis.
An. MDCCCLXXVIII.

H. A. M. C.

A B O Æ,
Impressit JOH. C. FRENCKELL, R. Acad. Typogr.

DISSERTATOG AC DOMINICA
MONSIEUR
LE BARON
BERNARD JEAN
DE HASTFEHR,

COLONEL d'un Regiment d' Infanterie, CHEVA-
LIER de l' Ordre Royal de l' Epée.

MONSIEUR.

M. HENRI GABRIEL PRESIDE

PORTHAN

*Les bontés dont Vous m' avez jusqu' ici honoré,
m' encouragent, Monsieur, à Vous supplier de m'en ac-
corder encore une nouvelle preuve, la permission de mettre
VOTRE Illustre Nom à la tête de ces feuilles: une har-*

dieffe

diese de ma part, dont Vous ne sauriez au moins condamner les motifs. J'ai souhaité toujours, Monsieur, de pouvoir temoigner même en public les sentimens de respect & de reconnoissance que je Vous dois à tant de titres: je n'en aurai peut-être d'occasion que celle-ci; & je la sais avec empressement, pour satisfaire à un devoir si cher à mon cœur, & pour avoir l'honneur de Vous assurer que je serai jusqu'au dernier moment de ma vie,

MONSIEUR,

Votre très-humble & très
obéissant serviteur

GUSTAVE GUILLAUME RYDMAN.



§. I.

Quæsitus est sâpe, an in S. Oratore laudandum es-
set studium Eloquentiæ? Quod & veterum & re-
centiorum non pauci indignum esse verbi Divini maje-
state, vique ejus ac efficaciæ injurium, utpote quod hu-
manæ artis haud indigeat subsidiis, putarunt: quos Elo-
quentiæ veram justamque non tenuisse notionem, levi
negotio demonstratur. Quæri forte tum potuit, cum pia
Christianorum simplicitas alias nesciret conciones, quam
Textuum Sacrorum simplicem explanationem, admoni-
tionibus exhortationibusque ferventibus interstinctam (*a*),
qualis hodieque sapientibus forma concionum Cateche-
ticarum merito placet; sed postquam immutata rerum
Christianarum facie, justas & solennes ad populum ora-
tiones habere utile visum fuit, ne in quæstionem qui-
dem, ab homine intelligente, qui vera vocum significa-
tione deserta verbis ludere non maluerit, adduci posse
censemus, utrum in Christiano Oratore Eloquentiæ fa-
cultas prospicit, nec ne? Hoc est, utrum prospicit, ut ad do-
cendum & persuadendum accommodate, solide, ordine,
perspicue, vivide, probabiliter possit dicere, nec ne?
Pulcre AUGUSTINUS, cum per artem inquit, *Rhetori-*
cam

(*a*) Vid. BINGHAM *Origgi. Ecclesiast.* Vol. VI. Lib. XIV. Cap.
IV. §. §. VI, VII, VIII, X. Cfr. PÖNTOPPIDAN *Colleg. Past.*
Pratt. C. XV, p. 147. Ed. Svec.

cam & vera suadeantur & falsa, quis audeat dicere, aduersus mendacium in defensoribus suis inermem debere consistere veritatem; ut videlicet illi qui res falsas persuadere conantur, noverint auditorem vel benevolum, vel intentum, vel docilem proemio facere, isti autem non noverint? Illi falsa breviter, aperte, verisimiliter; & isti vera sic narrent, ut audire tandeat, intelligere non pateat, credere postremo non libeat? Illi fallaciebus argumentis veritatem oppugnant, afferant falsitatem; isti nec vera defendere, nec falsa valeant refutare? Illi animos audientium in errorem moventes, impellentesque dicendo terreat, contristent, exhilarent, exhortentur; isti pro veritate lenti frigidique dormitent? Quis ita despiciat, ut hoc sapiat (b)? Itaque nec ab aliis tene contra pugnatur, nisi qui Eloquentiam in verborum inanum curiosa structura, pompaque dictio vana & inepta, sitam putant, vel de vi verbi Divini existimatur, fanaticæ cuidam indulgent rationi. An ille verbum DEI bene digneque annunciare dicendus est, qui veritatum cœlestium quasi fragmina lacera & membra discerpta, confuse, obscure, langvide, incommodo, inepte, absurde excutit? Dubium igitur esse nequit, quin præceptorum Rheticorum, ex attenta natorum animadversione earum rerum quæ in omni oratione ad docendum & persuadendum maxime pertinere reperirentur, prudens cognitio & observatio diligens, oratori quoque sacro permultum adserat utilitatis & adjumenti; ita ut, quibus officiis observandis tota facultas bene dicendi continetur, quæque omnibus in universum præscribuntur Eloquentiae cultoribus, ea illi quoque præstanta incumbant; ut & de argumentis idoneis inveniendis adferendisque sollicitus sit, & ordine ea proponere atque connectere sciat aptissimo, & modo explicare noverit eo, illa forma, illo habitu cultaque adornare, quo mentes

hominum validissime illustrentur, capiantur ac flectantur; & ita denique pronunciare valeat, ut ad aures animosque auditorum dicta sua felicissime & efficacissime pertingant. De hujusmodi itaque consiliorum ad rationem sacrarum orationum speciali applicatione, adferre quædam, speciminis Academici loco, animus fuit; sed pagellarum angustia, quam facultatum modus imperat, circumscriptio, cum totum non liceret materiae ambitum complecti, intra primam officii oratorii partem, quæ inventendorum argumentorum rationem, ad persuadendum idoneorum, præscribit, subsistendum mihi esse intellexi: juveniles vero conatus benevolo Lectorum iudicio, qua decet modestia, commendo.

§. II.

Ad tres in universum classes omnem argumentorum varietatem oratori adhibendorum, referunt artis dicendi magistri, *rationes, affectus & mores*: quorum illæ ad intellectum docendo vincendum pertinentes, orationi firmatatem tribuunt, isti ad animum motu expugnandum validi, vim dictis addunt, hi ad alliciendas leni sensu mentes apti, eas aperiunt & conciliant. Nullum igitur horum dicendi adminiculorum deesse in Oratore S. debet; cuius duplex in omni labore suo esse consilium oportet, cum ut cœlestem veritatem auditores sui discant & percipiant, tum ut ad obedientiam cognitæ atque intellectæ præstandam, hoc est, ad veræ pietatis studium, permoveantur & perducantur. Quod itaque ad *rationum* aptarum investigationem attinet, non quidem S. Oratori svademos, ut in iis multum spei collocet quæ de *Formis* (*τεστα*) & notissimis tribus causularum generibus specialiter præcipiunt Rethores, (etsi non negamus, ad genus Deliberativum non prorsus incommode Sacras posse *Conciones* referri); alio enim plane consilio, quam pro ejus

ejus usu, ista collecta & digesta sunt; recte præterea ju-
 dicat TULLIUS, *ad instituendos adolescentulos magis apta
 esse & plane rudes*, quibus opus sit ut magistri omnes te-
 nūssimas particulas atque omnia minima mansa, ut nutri-
 ces infantibus pueris, in os inserant (a); cum S. Oratorem
 ut maturum jam virum nos consideremus; sed generalia
 inveniendi inventaque dijudicandi consilia, diligentissime
 sane & expendat & sequatur. Quia igitur ejus judicio, ma-
 gnam partem, themata sua eligendi potestas relinquitur,
 primum non modo doctrinas proponat veras & e verbo
 præcipue Divino haustas, sed & maxime ad salutem a-
 nimarum, salutarem instructionem justamque vitam spe-
 ctantes; vanas subtilitates, controversias a populari ra-
 tione remotiores, quæstiones curiosas magis quam uti-
 les aut necessarias, caute prætereat; tantum abeat, ut nu-
 gis ineptis indulgere illi liceat, ut recte judicet BERN-
 HARDUS: *inter seculares, mugæ mugæ sunt; in ore sacer-
 dotis blasphemiae*, de Consider, L. II. C. XIII. Hac autem
 de re, quas videlicet & cuiusmodi in primis proponere
 & explicare inculcareque debeat materias, Theologorum
 est specialius atque diligentius præcipere (b); nobis ver-
 bo indicasse satis est. Deinde, quæ docet, firmis muni-
 re debet rationibus atque argumentis, quorum vis non e
 numero æstimanda est, sed e pondere; non enim idem
 est, probationes adferre, & rem auditoribus probare.
 Invenisse rationes non is dicendus est, qui leves, ine-
 ptas, insulsas excogitaverit, quæ rationum nomen non
 merentur, sed qui aptas ad intelligendum, & ad persua-
 dendum validas, attulerit. Cumulandis effatis S. Scriptu-
 ræ, temere arreptis, ob levem aliquam in verbis depre-
 hen-

(a) De Orat. L. II. C. 27. & 39.

(b) Cfr. v. g. PONTOPPIDANI Herbar-Vres, II Br. p. 36.
Eqq. Edit. Svec. Ejusd. Colleg. Past. Præf. C. XVII- XVIII.

hensem cum materia explicanda cognitionis speciem, cum de re tamen prorsus alia agant, multi aut memoriarum suarum felicitatem, judicij licet vi parum fultæ, aut Biblicæ lectionis, saepius etiam Indicum pervolvendorum, diligentiam, potius quam propositæ assertionis veritatem, demonstrant. Itaque non solum in contextu suo, dicta probationis causa adducenda, ante diligenter consideranda sunt, quibus licet esse paucioribus, si prudenter fuerint electa; sed in auditorum etiam gratiam dilucide explicanda, ut stringendi vis & nervus probandi his quoque animadvertisatur, animosque eorum vincat & expugnet. De reliquis, quibus utatur S. Orator argumentorum generibus, idem tenendum est; delectu & judicio severo adhibito, levia rejiciat, firmis & luculentis solis infistat. Argumentatio vero ipsa atque demonstratio, non qualis in Philosophorum Scholis obtinet, subtilis, pressa & tenuis esse debet, sed popularis magis & copiosa, oratorio more instructa, aptior captui auditorum plerumque haud perspicacissimorum, & a quibus attentio accuratissima & continua exspectari non poscit. Quæ omnia ut præstare valeat Sacrarum veritatum præco, præter ingenii fecunditatem, & connatam judicij vim, opus maxime est ut ad hunc laborem non vacuum adferat cerebrum, sed uberem eruditionis copiam, non superficialis, formulariæ, e compendio quodam haustæ, memoriam magis quam intellectum ditantis, exilis, spinosæ & Scholasticæ, sed solidæ, profundaæ, liberalis & elegantioris. Præterquam igitur quod humaniorum quæ vocantur litterarum rudis esse haud debet, & veræ in primis Eloquientiarum rationem nequaquam ignorare, animorum quoque humanorum indolem & motus, morum doctrinam, naturalis Theologiae veritates, præcipue vero Revelatae Sapientiae decreta cognoscere oportet, eque fonte eorum, S. Pandectis, diligenter hauserit; maxime Theologiae partium

tiūm practicarum gnarus sit (c), neque universum modo Systematis nexum mente teneat, sed in singulas quoque ejus partes accuratius penetraverit: nec e libris solum, sed e vita quoque humana, & quotidiana observationis ope, didicerit, mores in primis hominum, & maxime auditorum suorum, ut ad eorum rationem utiliter consilia sua laboresque accommodare queat. Quod Poëtis dedit præceptum HORATIUS, Art. Poët. v. 309. seqq. mutatis mutandis, & oratoribus & scriptoribus adeo in universum omnibus, utiliter dari potest:

Scribendi (vel dicendi) recte sapere est & principium & fons:

Rem tibi Socratice (hic vero in primis Sacrae) poterunt ostendere chartæ,

Verbaque provisam rem non invita sequentur (d).

Deinde, his licet copiis instructus, ad ipsum concionandi opus non oscitanter accedat & incuriose, sed summa diligentia dicenda meditetur & elaboret, stiloque persequatur; quod neque præclari aliquid unquam sine singulari mentis intentione præstatur, & commentatio absque scriptoris ope ægerrime & que potest accurata institui; unde tamen non sequitur, ut ad verbum quæ scripsimus semper sint ediscenda & recitanda. Rem qui

B

accu.

(c) Non male TRUBLET, *Ce n'est pas, inquit, proprement la Théologie, quoiqu'un prédicteur doive être Théologien jusqu'à un certain point; c'est la science de la Religion, de l'esprit de la Religion, de ce en quoi consiste la vraie & solide vertu.* Reflexions sur l' Eloquence, §. XXXII.

(d) Conciinit CICERO, qui Libro I de Oratore, Est, inquit, *scientia comprehendenda rerum plurimarum, sine qua verborum volubilitas inanis atque irridenda est, - - - Et enim ex rerum cognitione efflorefcat & redundet oportet oratio.* C. 5. & 6. Et postea: *Dicere nemmo potest, nisi qui intelligit.* Quare qui eloquentiae veræ dat operam, dat sapientiam, C. 12.

10

accurate tenet, animum habet litteris excusum, sacræque in primis discipline scientia imbutum, dicenda diligenter meditatur, studio ardens animas auditorum suorum lucrandi, huic argumenta apta, solida, robusta deesse nequeunt. Extemporanea vero audacia, uti semper, insperatae necessitatis casu excepto, animum prodit officii sui & sacri munera cura debiliter tactum, ita junioribus in primis sacerdotibus summopere fugienda est, qui sine commentationis diligentia bene dicendi facultatem nunquam acquirent, & temeritati hujusmodi negligentiæque adsuefacti, miserandi, contemnendi, detestandi, per totam vitam manebunt blaterones. Ex modesto porro prudentique usu *lacorum* generalium, quos ad inventionis laborem adjuvandum veteres, in primisque ARI-STOTELEM proposuisse constat, opis non nihil, in argumentis excogitandis interdum quoque adfluere posse, negandum non est, ubi ab homine excutiuntur litterarum perito; cum primo mentis conatu non semper se se sistant, nisi studiosius quasi investigatae, optimæ efficacissimæque probandi rationes. Illorum etiam, qui antea nos eandem tractarunt materiam, scripta consulere, haud quidem vetamus, modo ne, quod & turpis & perniciose inertiae est, verbotenus, nimis faciliter inveniendi artificio, exscribantur. Raro ad aliud auditorium, ab alio oratore, eadem apte fiunt verba; quibus si quis suas adsuere lacinias, aut si pro suo judicio orationem transformare, instituat, plerumque iea illa disjicitur,

- - - ut nec pes nec caput uni
Reddatur formæ.

Qui vero scite mutare noverit, is quin eodem labore in suo fundo honorificentius ædificare valuerit, non fere dubito. Quam foede vero, imo quam nefarie agunt, qui cum melius possent, præ desidia non faciunt, aut cum non

non possunt, gravissimi tamen muneris partes tuendas audacter suscipiunt. Qui ex variis libris dicenda rapido corradunt, digerere ea nescientes, (quod semper fere illis contingit qui ad hanc potius confugere industriam, quam propriæ meditationis laborem, solent), lacera hæc membra in unum, cohahrens, firmum pulchrumque corpus compingere ægerrime valent; cum quæ ex suo quis ingenio, rite subacto & tractato, lectione etiam probatissimorum oratorum nutrito & ornato, elicuerit, facile in unam formam coēant & sponte se conjungant. Præstantes Oratores non modo legendi, & si facultas fuerit, audiendi, sed etiam imitandi studium, inter præcipua nemo non adfert Eloquentiæ comparandæ adminicula; unde inventionis quoque fecunditatem vehementer augeri, extra controversiam est. Præstantissimorum enim exemplorum ea est vis, ut felicia ingenia, aliis omnibus adminiculis potentius, pulcritudinis suæ quasi contagione corripiant, inflament, talemque Eloquentiæ in illis imaginem effingant, quæ & ipsa ad præclare dicendi facultatem evocat. Usu denique, exercitatione & crebra dicendi opera, hanc facultatem plurimum crescere, multa probatio ne non eget: quamobrem in adolescentibus frustra tanta tamque locuples mox speratur, quanta a multorum annorum industria & consummata demum experientia assergit.

§. III.

Ut autem *rationes* quasi ossa orationi præbent, musculos & tendines, ita *Affectus* vitam illi, sensum, spiritumque infundunt. Quorum excitandorum studium cum nonnulli S. Oratori disuadent, parum id facere considerate videntur; quum motu omni caret oratio, non possit non languida evadere & jejuna. Affectus attentionem potentissime excitant, cogitationes auditorum

dispergi non sinunt, somnum tediumque fugant; &
 cum mentem ad rem acius considerandam flectant, ra-
 tionibus etiam & aditum liberiorem parant, & ingens
 pondus vimque addunt. Inprimis, ubi intra docendum,
 seu intellectum tantum illuminandum subsistere non li-
 cet, sed ad voluntatem etiam flectendam transeundum
 est, ut ea ad agendum exstimateur, maxime ubi multæ
 magnæque obsistunt difficultates, labores subeundi, mo-
 lestiæ devorandæ, pugnæ pugnandæ, cupiditates æstu-
 antes comprimendæ, malæque consuetudines vincendæ ob-
 veniunt, his sane quasi facibus, ad animum ignavum &
 inertem inflammandum a natura nobis datis, nullus o-
 rator carere, ad conatus suos perficiendos, potest. Quin
 gravissimas, & ad mentes ciendas potentissimas, quales
 Sacrae sunt, serio quidem tractans materias, quis non i-
 psè motu incendatur? & si non afficitur, quis eum ani-
 mitus & sincere dicere existimabit? Ajunt motus hos obscura-
 re intellectum & tenebras menti offendere, quæ illumina-
 nanda tamen & docenda est; falso sane: quia informa-
 tionem præcedere debere diximus sollicitam; & ad clare
 demum perceptæ veritati obediendum, animos excitari
 volumus. Nulli negamus, in errorum tenebris dispel-
 lendis, præjudiciorum vepribus evellendis, menteque ve-
 ritatis luce collustranda, singulari studio & industria o-
 ratori esse S. elabordandum; sed & sub hoc opere, animi
 quasi subjugandi sunt docilesque efficiendi, & auxilium
 convictioni præbendum, cuius solius vis natura est lan-
 gvidior & imbecillior; atque cum de agendi inprimis
 conatu, & consilia probata exsequendi opera, quæstio
 est, ut dormientes quasi mentes excitentur, his sane ve-
 luti stimulis & calcaribus valide opus est. Quod vim
 horum motuum vehementiorem esse solere dicunt quam
 constantiorem, & in flamمام quidem cito erumpere,
 sed mox intermorientem, atque aptius igitur adminiculum

Græ-

Græcorum Romanorumque olim Oratoribus præbuiisse, quorum auditores consilium e vestigio capere & uno fe- re impetu probata exsequi deberent, quam Sacris nostris Præ- conibus, quorum Eloquentiæ vis ad totam vitam auditorum stabili proposito formandam & regendam pertine- re debeat; id sine omni quidem fundamento non dici- tur; verum neque nos in solis affectibus excitandis, vehementioribus illis in primis & subita quadam vi quasi ebullientibus, laudem S. Oratoris summam ponimus, a quibus nimis utique nonnulli sperant, sed in mediocribus & constantioribus, a prævia mentis accura- ta illuminatione vires acquirentibus, alte magis animo infixis, quam externum strepitum excitantibus. Atque vehementiorum etiam istorum non semper nullus effectus est; sæpe enim relinquunt tamen in animis quasi spicula quædam & aculeos, qui licet interim non sentiantur, hæ- rent nihilominus, & occasione apta incidente, longius interdum post tempus, acriter pungunt, ac ad salutaria capienda consilia mentem adiungunt (*a*). Magna porro veræ pietatis pars in affectibus quibusdam posita est: metum iræ & poenarum Divinarum, dolorem & odium peccatorum, spem Divinæ misericordiæ, amorem DEI & hominum, commiserationem calamitatis alienæ, &c. adeoque gravissimos affectus, ut excitare studeat, a S. Oratoris officio abesse fane nequit. Ad singulos vero i- stos feliciter cum ciendos, tum sedandos, quæ cura per- tineat, specialiter explicare, pagellarum nos vetat angu- stia; vel ex iis quæ hac de re in quorumvis oratorum

B 3

usum

(*a*) Un trait dont on a été vivement touché, mais dont l'impre-
sion s'est bientôt effacée, revient quelquefois dans la mémoire, même
après un temps considérable, touche une seconde fois, quelquefois même
plus vivement encore que la première, & renverse pour ainsi dire, de
ce second coup un cœur qu'il n'avoit qu'ebancé du premier. Tel per-
cheur a été converti, dans sa vieillesse par le ressouvenir de ce qu'il a-
voit entendu dans sa jeunesse. TRÜBLET I. c, §. XIV.

usum acute tradit ARISTOTELES (*b*), homini attento discere multa licet, cum Theologorum deinde consultis præceptisque diligenter comparanda. Recte monet summus Rhetor, in quovis motu animi tractando, non modo caussas esse adferendas quibus vel excitetur vel sedetur, sed & auditores ad illum vel concipiendum vel deponendum quasi præparandos, mentibus eorum in tandem deducendis statum, in quo maxime vel ad illum pronæ, vel ab illo alienæ sint; personas etiam vel res de quibus dicitur, tales repræsentandas, in quas vel feratur affectus facililime, vel a quibus reclinetur maxime. Palmarium autem adminiculum est affectuum in aliis concitandorum, si ipse orator, qui incendere illos nititur, eadem ipse flamma ardeat. Graviter CICERO, *Neque*, inquit, fieri potest, ut doleat is qui audit, ut oderit, - - - ut pertineat aliquid, ut ad fletum misericordiamque deducatur; nisi omnes *ii* motus quos Orator adhibere volet judici (auditoribus) in ipso Oratore impressi esse atque imusti videbuntur. - - - Ut enim nulla materies tam facilis ad exardescendum est, quæ, nisi admoto igni, ignem concipere possit: sic nulla mens est tam ad comprehendendam vim oratoris parata, quæ possit incendi, nisi inflammatus ipse ad eam & ardens accesseris (*c*). Contagionis quasi quadam vi affectus nostri in aliis eosdem motus excitant, & viam aliquos incendiendi verissimam felicissimamque sponte nos docent: nulla perspicacitas, nulla industria fontes commotionum acutius indagat. Neque esse difficilis potest conatus homini pio, & gravissimi muneris officiis implendis serio studenti, maximique ponderis veritates & ad commovendum validissimas tractanti, vehementer commotum pectus ad auditores suos docendos monendosque adferendi; ad quorum mentes inflammandas quomodo spectrabit

(*b*) *Art. Rhet. L. II. C. I. - XV.*

(*c*) *De Orat. L. II. C. 45.*

rabit argumenta sua satis fore valida, si suum animum commovere minus possunt? Præclare rursus CICERO,
Ac ne forte hoc magnum, inquit, ac mirabile esse videatur, hominem toties irasci, toties dolere, toties omni animi motu concitari, præsertim in rebus alienis, magna vis est eorum sententiarum atque eorum locorum, quos agas. trælesque dicendo . . . Ihsa enim natura orationis ejus, quæ suscipitur ad aliorum animos permovendos, oratorem ipsum magis etiam, quam quemquam eorum qui audiunt, permovet (d).
 Quæ, quanto etiam majore jure de cœlestibus Christianæ religionis veritatibus, & S. præconis opere, pronuntiantur! Multum quoque ad animos valet auditorum commovendos, si rationes argumentaque nostra non abstrakte, ut loquuntur, & subtiliter proponamus, sed sensibliter & vivide. Recte CAUSSINUS, *Ut affectus, inquit, sunt permotiones sensuum, ea in illis movendis sunt propria, quæ sensibus vicina sunt. Quia de caussa res universales, (ut notat ARISTOTELES) minime voluntatem movent, nec Dialedici sunt ad motus ciendos apti . . . Atque ut oculorum sensus omnium acerrimus est, sic quæ oculis subjiciuntur, validius irritant animos, quam quæ demissa per aures influunt. (e).* Cavere autem maxime debent S. Oratores, ne intempestive, & cum argumentum non patitur, vehementiorum affectuum quasi procellas excitare conentur, quo tumultu nihil putidius esse potest: sed & quid materia postulet, & suæ vires ferant, diligenter considerent; atque affectus etiam eos maxime studeant in auxilium advocate, qui caussæ suæ prosint maxime; ad quod acri judicio saepe opus est, & accurata deliberatione. Cæterum de subsidiis persuationis naturalibus præcipientes, & non in Theologorum sed in Rhetorum castris militantes, quæque ex horum consultis ad

S. Ora-

(d) L. c. C. 46.

(e) De Eloquent. Sacra & Profana L. VIII, C. VII.

S. Oratoris officium applicari possint exponentes, de vi verbi Divini nihil derogatum volumus, aut his solis humanis auxiliis eam tribuimus; quæ licet supernaturalis, violenta tamen non est, nec humanæ industriae adminicula respuit, aut omnino sine adminiculis, ordinario quidem, agit, sed vi potius eorum superaccedit & ingens pondus addit.

§. IV.

Moribus quoque magnam ad persuadendum vim inesse, eosque S. in primis oratoris curam depositare maximam, apud omnes in confessio est. Produnt se illi primum in vita Oratoris, ut iis conformiter quæ alios docet, ipse se gerat, animusque pietate & sincero studio salutem auditorum suorum promovendi caleat. Si discordant facta sua a consiliis præceptisque, plus illa plerumque ad destruendum, quam hæc ad æcificandum valent: ut taceam, tales doctores timida ut plurimum manu aliorum ulceræ tangere, nec facile aperire audere, quorum ipsorum in pectore idem hæret malum; nisi homines sint impudentissimi, a quorum sane admonitionibus non multum est fructus sperandum. Cum in suggestione ascendunt scrum, vicia sua eos circumdant quæsi, & ante omnium se auditorum oculos spectanda simul sistunt, animos abalienant & offendunt, fidem oratori detrahunt, & contra consilia monitaque sua, triclini ære pectora muniunt; quos igitur hic excitare affectus, quomodo mentes auditorum demulcere, flectere, fingere & dicendo pertractare valebit? Dissidente ab iis quæ dicit animi studio sententiaque, quomodo ipse fatigis caloris adducet ad hoc opus, quo audientium queat mentes incendere? Quæ dictis potest suis naturalis vis, quis motibus suis ardor inesse? Oscitanter igitur dicet, aut

aut venustius quam fortius, adeoque patum efficaciter. Si malos suos callide dissimulat mores, pietatemque simulat, melius utique est quam si manifestis obsitus est vitiis; quamvis plurimum tamen abest, ut simulationis eadem vis sit ac veritatis. Verum quam difficilis est conatus, histrionia hujusmodi exercenda mentes oculosque hominum fallere! Quam agre vitia animi externo isto teguntur fuso! quibus vero detectis, detestabilior se re est morum ficta illa gravitas, quam aperta licentia. Commodo WERENFELSIUS (a):

Quid Pastor absque sanctitate est? Histrio.

Bonus histrio, si sanctus esse creditur;

Malus histrio, si qualis est, cognoscitur.

Bono sed histrione nil est rarius.

Piis contra & sanctis moribus, quantum commendationis S. Orator doctrinæ addit suæ! Confirmare iis videtur, quod ore præcipit. Convictionem & motum, mox quum in suggestu appareat sacro, secum quasi apparet. Itaque Ethnici etiam de necessitate bonorum morum in oratore graviter præceperunt, & CATO eum finiebat *virum bonum, dicendi peritum.* Cfr. QUINCIANUS Inst. Orat. L. XII, C. I. Tali oratori non est difficile neque argumenta invenire firma & ad persuationem valida, neque pias in auditorum animis commotiones excitare, quarum in suo pectore perennem fontem gerit. Bene BATTEUX Princ. de Litterat. T. IV, Ch. IV. *Qu'un prédicateur rempli de la grandeur de son ministère, penetré de zèle pour le salut des âmes, nourri de la lecture & de la méditation des Livres saints, exercé dans la pratique solide des vertus chrétiennes, paroisse dans la chaire de JESUS-Christ; toutes ses paroles, ses pensées, ses expressions, porteront le caractère de sa mission & de ses*

ses meurs. On l'écoutera avec attention, avec plaisir, avec fruit. Nempe nec in oratione sua poterit orator noster pius honestusque, eosdem, qui mentem suam ornant & excitant, mores non manifestare; sponte verba sua idem sensus dictat animatque, & imaginem ingenii animique dicentis, non contemnendam, turpem, odiosam, sed honestam, amabilem, ad fidem eliciendam iudicem exhibet, quæ singularem viam dictis ejus auctoritatemque conciliat. Pravorum morum pati ex ipsa oratione signa elucere, hominum aures mentesque a dicente avertentia, stultitia est & absurditatis summæ; recteque ait FABIUS, Qui dum dicit malus videtur, utique male dicit (b); at quam multi tamen deformi & nefario hoc vitio orationes suas inquinant! Verum difficile est affectus, cupiditates, moresque malos, cum in pectore dicentis libere dominantur, ita inter dicendum cohibe-re, ut æstum suum non prodant. Rursus enim ad histrionia hic est turpe lubricumque auxilium confugendum (c). In pii autem oratoris veroque studio salutis animarum flagrantis sermone non Prudentia desiderabi-tur;

(b) L. c. L. VI, C. 2.

(c) Adponere habet verba FABII, sane præclarissima: Certe mettius persuadebit aliis, qui prius persuaserit sibi. Prodit enim se, quamlibet custodiatur simulatio; nec unquam tanta fuerit eloquenti facultas, ut non titubet a chœrebat, quoties ab animo verba dissentunt. Vir autem malus aliud dicat necesse est, quam fertit. Beros nunquam honestus sermo deficiet, nunquam rerum optimarum (nam iidem etiam prudentes erunt) inventio; quæ etiam si lenociniis destituta sit, satis tamen natura sua ornatur; nec quidquam non diserte, quod honeste dicitur. Quare juventus, imo omnis aetas, (neque enim rectæ voluntatis serum est tempus illum) totis mentibus hoc tendamus, in hoc elaboremus: forsitan contingat. Nam si natura non prohibet & esse virum bonum, & esse dicendi peritum: cur non aliquis etiam unus utrumque consequi posset? cur autem non se quisque speret fore illum aliquem? Ad quod si vires ingenii non sufficerint, tamen ad quem us-

tur; memor enim officii, nihil non meditatum & elaboratum ad aures auditorum adserit, haud extempore, oscitanter, negligenter dicit: non *Probitatis* signa deerunt, ubi non animi appetentis, avidi, superbi, callidi, invidi, trucis, implacabilis, injusti, voluptarii, sed liberalis, modesti, sinceri, honesti, mitis, generosi, gravis, veri sensus motusque exprimuntur: non *Benevolentiae* indicia deficient, cum pectus dicentis cura tenerima felicitatis auditorum promovendæ sollicitat: quæ omnia, ut oratio bene morata sit, Rhetores solent requirere. Confirmant hæc, vere dictum illud esse: *Pedus est, quod disertum facit.* Unde etiam, nisi ex hoc fonte, derivare & rationem repetere licet, rei non uno exemplo firmatæ, esse S. Oratores, qui de aliis argumentis longe majore diligentia, vi, motuque dicant, quam cum in suggestu S. religionis placita præceptaque explicanda sint & inculcanda? Personæ aliquæ quoties dicendo tractandæ sunt, eadem S. quæ aliis Oratoribus lex præscripta est, ut veros earum mores aut verosimiles, diligenter effingant atque exprimant. Pertinet hoc, non modo ad defectationem, sed etiam maxime ad fidem. Sic, Deum ipsum quoties loquentem inducunt, quam sollicite cavendum est, ut nihil majestate sua indignum tanto Numini tribuatur! Non est itaque cuiusvis, sed hominis & scientia & judicio eminentis, in hoc genere feliciter versari ad quam facultatem sibi comparandam, singularem curam & diligentiam in moribus quarumvis personarum noscandis, eloquentiæ studiosi adhibeant. Cfr. ERNESTI *Init. Rhet.* §. §. 111-116. De moribus denique auditorum diligenter cognoscendis, ingenii,

que modum processerimus, meliores erimus ex utroquo. Hoc certe prorsus exitatur animo, rerum pulcherrimam eloquentiam cum vitis mentis posse misceri. I., c. I., XII., c. I., Add. TRUBLET I., c. §. LVII.

niis, præjudiciis, consuetudinibus, inclinationibus eorum pro virili perscrutandis, atque ad eorum rationem dicendi consilio prudenter accommodando, multa præcipere haud attinet. Sperare enim nemo potest, fore ut sine hac industria Orator S. vel in intellectu eorum illuminando, vel in animis movendis, multum efficiat. Non spernendam sane opem ad hanc notitiam comparandam adferent, quæ post ARISTOTELEM plurimi de diversorum ordinum, fortunarum, ætatum &c. morib⁹ docuerunt; sed longe tamen & accuratiora & pleniora discere licet ex assidua, familiari & fida cum auditoribus conversatione, & experientia, longiori temporis tractu & multiplicium S. muneris partium diligenti administratione, collecta.

S. D. G.

CORRIGENDUM. P. 7. l. 12. *justamque leg. justam piamque.*

